



# Synfocity = 639

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

16<sup>th</sup> June, 2017

- Pi Lloyd-i vui a ni ta**  
 Mizorama Missionary hun rei tak lo thawk tawh Pu Lloyd-a nupui Pi Joan Lloyd-i chu June 13, 2017 (Thawhlehi) chawhnu dar 1 khan a lawina Kohhran Nant Hall Road Church, Prestatyn-ah vui niin a pasal Pu Lloyd-a thlanah phum a ni. Pi Lloyd-i vuina hunserh hmannaah hian a tu leh fate leh thiante bakah UK a Zofa hmun hrang hranga awmte an tel a, Mizoram Synod Moderator lekhathawn pawh Rev. Dr. H. Sangkhuma'n a chhiarchhuak a ni. A chanchin hi a fapa Pu Zoenga (Hywel) chuan a sawi a, Mizorama a rawngbawlna chanchin ngaihnam tak pawh tarlan a ni bawk.
- Cambodia Pastor ten Mizoram an rawn tlawh**  
 United Church of Cambodia Pastor 7 te chuan June 10 - 15, 2017 chhung khan Mizoram an rawn tlawh a. Cambodia rama kohhran hrang hrangte chuan inzawmkhawmin United Churches of Cambodia an din a, an kalzelna atan Mizoram Kohhran chanchin zir an duh avangin Synod Mission Board te nen inberemin Mizoram an rawn tlawh a. Pastor te hi Cambodia-a Synod Mission Board Missionary thawklai Rev. Sairengpuia'n a rawn hruai a ni. June 14, 2017 khan Synod Mission Board hotute nen Synod Office Committee Room-ah inkawmhona an nei a ni.
- Presbyterian Hindi Bible School Graduation Day -cum- Farewell hman a ni**  
 June 14, 2017 (Nilaini) khan Presbyterian Hindi Bible School (PHBS) Graduation Day -cum- Farewell chu PHBS Chapel-ah hman a ni. Inkhawm hi Synod Mission Board Secretary Rev. K. Lalrinmawia'n a kaihruai a, Bawngkawn Kohhran Masihi Sangati zaipawl an zai a, PHBS Principal, Rev. K. Lalthlanpuia'n inlawmna leh inhmelhriattirna hun a hmang. PHBS zirlai Rebek Lalnunzirin Pathian fakna hla a sa a, Pi Vanlalruati Sailo PHBS zirtirtu-in report leh result a puang a. Rev. K. Lalthangmawia, BEC Memberin zirlaite certificate a hlan a, Upa C. Lalnghakliana, BEC Member-in tawngtaisakna hun a hmang a, zirlai zaipawl ten Pathian fakna hla an sa bawk. Rev. B. Sangthanga, Executive Secretary chuan Fuihna thuchah a sawi a, Synod Mission Choir te an zai a, Rev. Vanlalbela PHBS zirtirtu-in lawmthu sawina a neih a ni.
- Synod Hospital**  
 Synod Hospital, Durtlang chuan April 27 - 29, 2017 chhung khan Vanbawng-ah Mobile Clinic neiin an kal a, damlo 199 an en a. June 1, 2017 khan Kawnpui Chhim Veng Pastor Bialah Mobile Clinic neih leh a ni a, damlo 84 an en a. June 10 - 12, 2017 chhung khan Keifang leh Saitual Pastor Bialah Mobile Clinic leh Hospital Awareness neih a ni a. Keifang-ah hian damlo 390 an en a, Saitual-ah damlo 358 an en bawk. Keifang leh Saitual Pastor Bial chhung Kohhran tinah Hospital Awareness Campaign pawh neih nghal a ni. Mobile Clinic nei tura sawmna a awm nual thin a, thawktu lam indaih loh avangin duh angin a kal zung zung theih thin lo va, a tahtawla tihhlawhtlin chhoh zel tum a ni.
- Campus Ministry**  
 June 6, 2017 (Thawhlehi) khan Apollo School of Nursing-ah hun an hmang a. He hunah hian Director Rev. Lalchungnunga'n hun hmangin Pathianin min koh chhan ang taka nung chhuak tura Tirhkoh Paula'n Timothea a fuihna chungchang sawiin, chutiang taka kan nun chhuah theih nan awhna thalo leh sum atchilhna bawih atanga inthiarfihlim chungna nun hmang turin zirlaite a chah.  
 June 9 (Zirtawpni) khan Health worker Training Institute, Kulikawn Hmunthar -ah hun an hmang a. He hunah hian Director Rev. Lalchungnunga'n thu sawiin mitin nun nghawngtu 'Ram roelna leh khawtlang roelna chungchang sawiin, hruaitu tha leh zui tlak, Pathian aiawha roelto, thudik tan, hrem tur hrem ngam kan mamawh hle tih a sawi. Chutiang roelto tha nei tur chuan mitinin mawphurhna kan nei vek tih a sawi a ni.
- Revival Deptt.**  
 June 6 - 10, 2017 chhung khan Synod Revival Camping Centre-ah a duh apiangte tan Camping buatsaih a ni a, Speaker Pu Lalthantluanga, Krista Thuhriktu team a ni. Camp-a lut zawng zawng hi mipa 170 leh hmeichhia 26 an vaiin 196 an ni. Camp-ah hian Kohhran hrang hrang leh veng hrang hrang veng 40 atangin an lut a ni. Camp chhunga mawphurhna hrang hrang hi Zemabawk North Pastor ten an buaipui a ni.
- Finance Deptt.**  
 ♦ June 17, 2017 (Inrinni) hian Bawngkawn Bethel Bialah Account Training neih a ni dawn a, hemi hunah hian Synod Office atangin Tv. Zaihmingthanga Fanai, Accountant, Upa P.C Vanlalrova, O/A leh T.Upa David Lalnunfela, Cashier te an kal ang.  
 ♦ June 18, 2017 (Pathianni) hian Muallungthu Kohhranah Finance Campaign nei turin Rev. P.C. Pachhunga, Executive Secretary leh Upa P.C Vanlalrova, O/A te an kal ang.
- Kristian Thalai Pawl (KTP)**  
 June 16 - 18, 2017 chhung hian Khawzawl Dinthar Bialah Bial Meet leh Leadership Training neih a ni dawn a, hemi hun hmanpui tur hian T.Upa Zomuana Ralte leh Pu Lalmuanawma, Committee member te an kal ang.
- Missionary Training College (MTC)**  
 June 13 & 14, 2017 chhung khan Rev. Lalthankhuma Speaker-a hmangin College Retreat an nei.
- Synod-in chhawmdawlna pe**  
 Tun hnaia harsatna hrang hrang neite hnenah Synod Relief Fund atangin chhawmdawlna hetiang hian pek an ni.

S.No	Khua	Pek chhan	Chhungkaw zat	Chhawmdawlna pek zat
1.	Serchhip Vengchung	In kang ral	1	Rs. 10,000/-
2.	Kawnpui Chhimveng	Tawhsual tawk (Savawm seh)	1	Rs. 10,000/-
3.	Awrpuara Veng	Khawsak harsa	1	Rs. 6,000/-
4.	Tuikual South	Kangmei tuar	5	Rs. 27,000/-
5.	Model Veng	Damlo	1	Rs. 8,000/-
<b>TOTAL</b>			<b>9</b>	<b>Rs. 61,000/-</b>

Contd...

- ❑ **Kristian Thalai Pawl (KTP)**  
June 16 - 18, 2017 chung hian Khawzawl Dinthar Bialah Bial Meet leh Leadership Training neih a ni dawn a, hemi hun hmanpui tur hian T.Upa Zomuana Ralte leh Pu Lalmuanawma, Committee member te an kal ang.
- ❑ **Zin**
  - ◆ June 17, 2017 (Inrinni) hian Chhiahtlang Bialah Rev. Lalramliana Pachuau, Senior Executive Secretary a kal ang.
  - ◆ June 17, 2017 (Inrinni) hian Sairang Dinthar Bialah Political Education Seminar hmanpui turin Rev. B. Sangthanga, Executive Secretary a kal ang.
- ❑ **Synod Office Department hrang hrang thutna siamrem a ni.**  
Synod Office Annexe building thar May 2, 2017 a hawn chu luah a nih tak avangin Synod Department hrang hrang te thutna siam rem a ni. Synod Office Annexe building thar kawngan chu Canteen atan leh Synod Bookroom Show Room atan hman a ni a, kawngan hnuai Basement 1 chu Worship Department ten an luah a, Worship Department Office leh Music School hrang hrang te an awm a, a hnuai leh Basement 2 chu Synfo Office leh Studio atan hman a ni bawk a, a hnuai ber chu Chowkidar Quarters a ni.  
Department pahnih building thara an insawn avang hian Synod Office Main Building lam pawh an thutna siam rem a ni a. 4th Floor, Synfo Office thinah Trust Department an awm a, Synfo Control Room a hman thinah Supervisor of Schools a awm bawk. 1st Floor a Trust ho awmna thinah Service Board an awm a, Worship Deptt. awmna thin chu MSSU lamin an luah tel bawk a ni.
- ❑ **Hruaina Eng FM Radio & TV Programme**
  - ◆ **JUNE 16, 2017 (FM ZOAWI AIZAWL @ 7:30 P.M.):**  
**Solo :** Lalhlumawii - *I sual ritphurh tihbona i duh em?*, **Zaipawl :** Besy Choir - *Min kalsan ngai silo*, **Thusawi :** Upa D.P Biakkhuma - *Mizoram siamthatnan zirna*, **Zaipawl :** Mizoram Synod Choir - *Pen khatin*, **Solo :** Rebecca - *Zorinzuali - Kraws mak tak*
  - ◆ **JUNE 16, 2017 (FM LUNGLEI @ 7:30 P.M.):**  
**Solo :** Lalhlumawii - *I sual ritphurh tihbona i duh em?*, **Zaipawl :** Besy Choir - *Min kalsan ngai silo*, **Thusawi :** Upa D.P Biakkhuma - *Mizoram siamthatnan zirna*, **Zaipawl :** Mizoram Synod Choir - *Pen khatin*, **Solo :** Rebecca - *Zorinzuali - Kraws mak tak*
- ❑ **Susamachar Prasaran Programme**
  - ◆ **JUNE 18, 2017 (Pathianni) 5:00 pm. :**  
**Group/Choir/Solo :** Aizawl South West - *Rabba Ki Howe Sana*, **Group/Choir/Solo :** Siyon Swaram - *Tere Charno*, **Sermon :** Rev Laltharzuala - *Masib hamara Adarsh*, **Group/Choir/Solo :** Chawlhmun Masihi Sangati - *Tu Pyar*, **Group/Choir/Solo :** Hmingtea Tochwang - *Aaya ishu mere jiwane me*
- ❑ ◆ **JUNE 18, 2017 (Tv Programme) @ 4:00 - 6:00, 8:00 - 9:00 p.m) :**  
**Weekly Round Up, Sawihona : Tuihna humhalh chungchang, Masihi Sangati Evangelist Tirhchhuah Inkhawm 2017**
- ❑ **Moderator Programme**

June 17, 2017	Inrinni	Zan	Hrangchalkawn Kohhran	Zobawk Bial
June 18, 2017	Pathianni	Chawhma	Ralvawng Kohhran	Zobawk Bial
June 11, 2017	Pathianni	Chawhnu	Lungpuizawl Kohhran	Zobawk Bial
June 11, 2017	Pathianni	Zan	Zobawk Vengchhak Kohhran	Zobawk Bial

### SYNOD MULTIPURPOSE TRAINING CENTRE ADVERTISEMENT

Synod Multipurpose Training Centre, Mission Vengthlang, Aizawl-ah DCA 1st Semester training-na (Govt. Approved) hawn a ni leh dawn a. **Dilna chu plain paper-ah ziakin Kohhran lehkha** thil telin a hnuai address-ah Office hun chungin a thelul tur a ni.

1. Dilna thelul ni hnuhnung : Ni 22.6.2017 (3 : 00 p.m)
2. Interview : Ni 23.6.2017 (dar 11 : 00 a.m)
3. Course : 6 Months

Sd/-

Programme Director,  
Synod Multipurpose Training Centre  
Mission Vengthlang, Aizawl

### ADVERTISEMENT

Nursing School, Synod Hospital, Durtlang chuan kum 2017 atan GNM zir tur a la leh dawn a. Dil tum te chuan Application Form hi Principal Office, Nursing School, Durtlang te, Millenium Centre clinic-ah leh Dr. Fraser's Clinic, Mission Veng, Aizawlah te Rs. 250/- in lei chhuah theih a ni ang.

#### Dil thei chin :

1. HSSLC Pass, 40% hmu chin.
2. Kohhran dan chungna awm lai ngei.
3. 31st December, 2017 a kum 17 tling chin.

#### Dil theih hun chung:

1. Application zawrh chhuah hun leh thelul hun : 1st July - 12th August, 2017
2. Written Exam : 17th August, 2017 (11 : 00 A.M)

Sd/-

C. Lalrintluangi  
Principal